

Շոգովուրդ

83
(2933)

20 հունիսի հինգշաբթի 2024
տպագրության ԺԳ տարի

Է. Երեւան, Արուսյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԾԻՄԱԽՈՏԱՅԻՆ ԸՈՒԿԱՅՈՒՄ ԲԱՌՍԸ ԸՆԲՐՈՒՆԱԿՎՈՒՄ Է



Բազմիցս անդրադարձել ենք ծխախոտի շուկայում տիրող իրավիճակին ու փոխանցել քաղաքացիներին ու ուժային կառույցների աղբյուրներից եկող մտահոգությունները կապված ծխախոտի անօրինական շրջանառության փաստերի հետ: Պետք է արձանագրել, որ հրապարակումներից հետո ՊԵԿ-ն ու ոստիկանությունը հիմնականում արձագանքել են, ու իրականացվել են ձեռնարկային միջոցառումներ, ստուգումներ: Ցավոք, իրավիճակը հեռու է բավարար լինելուց՝ շարունակում ենք ստանալ տեղեկություններ շուկայում անօրինական շրջանառության փաստերի վերաբերյալ: Վերոնշյալ սպիտակ տուփերով ծխախոտի շրջանառությունը շարունակում է տեղի ունենալ, ու վաճառքները հիմնականում կատարվում են օնլայն հարթակների միջոցով, իսկ մարզերում տանից տուն գնալով: Տեղադրվում են հայտարարություններ վաճառքի մասին, դեպքեր են արձանագրվում նաեւ արտասահմանից մաքսանենգ ճանապարհով ծխախոտի ներմուծման, ապա դրանք, հիմնականում, խոշոր քաղաքներից ու խոշոր խանութներից հեռու վաճառելու մասին: Մեր անդրադարձներից հետո արդարադատության նախարարությունից, տեսչությունից ու համապատասխան գերատեսչություններից մեզ հետ կապվեցին պետապաշտոնյաներ ու լքեցին, որ հարցի լուծումը հնարավոր է, եթե կիրառվի այս տարվանից ուժի մեջ մտած օրենսդրական կարգավորումը, որով պարտադիր է արտադրվող ու ներմուծվող ծխախոտի տուփի վրա՝ ծխելու հետեւանքով առաջացող հիվանդությունների սարսափեցնող նկարների տպագրումը, այն հնարավորություն կտա արագ տարբերել, թե որն է մաքսանենգ կամ անօրինական շրջանառվող ապրանքը, որը՝ օրինական: Մեր այն հարցին, թե ինչու օրենսդրական այդ պահանջը չի կատարվում, կամ գրեթե չի կատարվում, պատասխանեցին, որ արտադրողների ու ներմուծողների գերակշիռ մասը ներկայացնում են, իբրեւ թե շուկայում շրջանառվում է մինչեւ 2024թ.-ի հունվար ամիսը ներմուծված ու արտադրված ծխախոտ, նման պահանջ էլ արտադրման ու ներմուծման պահին չի եղել, իսկ մեր աղբյուրները պնդում են՝ դա բերում է նրան, որ ապօրինի վաճառքը շարունակում է զարգանալ: Սպասենք, թե երբ շուկայում կլինեն անբողջությամբ «նկարներով» տուփեր:

Ստացվում է, որ պետությունը ստանձնում է պարտավորություններ, որոնք կամ չի կարողանում իրացնել, կամ դրանք հետեւանքով շուկան ողողվում է անօրինական արտադրությամբ: Իսկ սոցիալապես վատ պայմաններում բնակվող մեր քաղաքացիների համար, բնականաբար, նախընտրելի է էժան ծխախոտը: Կարճ ասած՝ պետությունը, կարծես թե, ի վիճակի չէ կարգավորված ու օրինական պայմաններ ապահովել: Պետության անկարողության մասին մենք փորձեցինք զրուցել առողջապահության նախկին նախարար, այժմ ԱԺ «Քաղաքացիական պայմանագիր» խմբակցության պատգամավոր Արսեն Թորոսյանի հետ, սակայն նա որեւէ կերպ չարձագանքեց մեր զանգերին:

Երեւանի ավագանին առաջիկա նիստում կքննարկվի քաղաքի որոշ հատվածներում մշակութային գործունեության իրականացումը սահմանափակելու մասին որոշման նախագիծը: Որպեսզի 25-ի նիստում ընդգրկված միակ գեկուցվող հարցն է, մնացած 17 հարցերը չզեկուցվող են: Նախագիծը, մասնավորապես, Երեւանի որոշ հատվածներում արգելվելու է շրջիկ երաժիշտների մշակութային գործունեության իրականացումը, ասել է թե՛ թափառաշրջիկ երաժիշտներին հեռացնում են Երեւանի կենտրոնից: «Ժողովուրդ» օրաթերթը քաղաքապետարանի կայքէջում հրապարակված նախագիծից տեղեկացավ, որ շրջիկ երաժիշտների մշակութային գործունեության իրականացումը կարգվելի է Երեւան քաղաքի հետեւյալ տարածքներում՝ Յանրապետության հրապարակ եւ դրան հարակից 100 մետր շառավղով տարածք, Մաշտոցի պողոտա-Սայաթ-Նովա պողոտա-Տեղյան-Թումանյան փողոցներով պարփակված տարածք, Յուսիսային պողոտա եւ դրան հարակից 100 մետր շառավղով տարածք: Մեզ հետ զրուցում ավագանու ՔՊ խմբակցության ղեկավար Արմեն Գալստյան ասաց, որ նախագիծն առաջիկայում կքննարկվի հանձնաժողովում, հնարավոր է՝ որոշակի փոփոխությունների ենթարկվի մինչեւ ավագանու նիստի օրակարգ մտնելը: «Կարող է առաջարկվել լինեն, ու ըստ այդմ նաեւ որոշակի փոփոխություններ, բայց ընդհանուր առմամբ մեր դիրքորոշումն այն է, որ խնդիրը լուծվի», - ասաց նա:



Հոգեբանները ներխուժել են դատական համակարգ: ՀՀ դատական ղեկավարամետնը մեկ տարում 10 պայմանագիր է կնքել հոգեբանի ծառայությունների ծեռքբերման համար: Պայմանագրերը կնքված են՝ դատական նիստերին ներգրավված հոգեբանների ծառայություններ ծեռք բերելու համար: ՀՀ դատական օրենսգրքի «Դատական իշխանությունների եւ գործունեության հիմունքները» բաժնում առկա գլուխ 16-ի՝ առաջին առյուծի դատարանների դատավորների եւ դատարանի նախագահների նշանակման կարգի 108-րդ «Հարցազրույցի անցկացում» հոդվածում է միայն հիշատակվում հոգեբան բառը, այն է՝ թեկնածուի հարցազրույցն անցկացնում է Բարձրագույն դատական խորհուրդը, որին խորհրդակցական ձայնի իրավունքով կարող է մասնակցել նաեւ հոգեբան: Այսինքն՝ հոգեբանի այցելությունը ոչ օրենքով է սահմանված, ոչ պարտադիր է: Դատական ղեկավարամետնի գնումների ուսումնասիրության արդյունքում պարզ դարձավ, որ հոգեբանի ծառայությունները ներգրավված են այն գործերում, որոնցում առկա է անչափահաս անձի կամ հոգեկան առողջության խնդիր ունեցող անձի մասնակցություն: Գործերի հիմնական բնույթը քրեական է: Որպես օրինակ՝ դիտարկենք մեկ քրեական գործ: քանի որ առկա է անչափահաս անմիջական մասնակցություն եւ կապված է խորթ հոր կողմից դաժան բռնության դեպքերի հետ, հոգեբանի ծառայությունները՝ ճնշված եւ տուժող ճանաչված անձի մասնակցությամբ դատական նիստի դեպքում անհրաժեշտ են: Եւ այս դեպքում ներառվում է հոգեբանը: Չենք, որ կնքված գնումների դրամային սահմանը հատում է 300 հազար դրամի շեմը:



«Ժողովուրդ» օրաթերթին հասած տեղեկությունների համաձայն՝ հունիսի 12-ին Բաղրամյան պողոտայում ոստիկանների կողմից կիրառված լուսաձայնային նռնակների ու տեղի ունեցած բախումների առիթով հարուցված քրեական վարույթով հերթը հասել է մի շարք լրատվամիջոցների տուժած լրագրողների եւ օպերատորների հարցաքննությանը: Մեզ հասած տեղեկությունների համաձայն՝ քննիչները լրատվամիջոցների ներկայացուցիչներին հարցնում են, թե ինչ կապ ունեն շարժման առաջնորդ Բագրատ Սրբազանի հետ, ում հորդորով կամ շահագրգռությամբ են գնացել Բաղրամյան պողոտա, արդյոք հեռախոսագրույց ունեցել են շարժման առաջնորդի հետ: Հարցաքննված լրատվամիջոցների ներկայացուցիչները քննիչների խաջածե, բայց նույնաբովանդակ հարցերին պատասխանել են, որ գնացել են իրենց մասնագիտական գործունեությունը իրականացնելու, ինչը անում են բոլոր դեպքերում ու իրավիճակներում անկախ առաջնորդի ու լինելուց, քանի որ դա իրադարձություն է երկրում, իսկ ՋԼՄ-ներն էլ լրատվամիջոցները: Հիշեցնենք, որ տուժած քաղաքացիներին հարցաքննելիս էլ օրենքի պահապանները ոչ թե նրանց հետ կատարվածի մեղավորներին՝ ասել է թե՛ ոստիկաններին պատժելու եւ քաղաքացիների խաղաղ հավաքներ անցկացնելու իրավունքներն են պաշտպանում, այլ քաղաքացիներին հանրահավաքի իրավորողների կամ կազմակերպողների դեմ ցուցմունքներ կորզելու համար են հարցաքննում: Հավելենք, որ այս պատկերին զուգահեռ իրականացվող ակտիվ գործընթաց են սկսել եւ «քաղաքական հրահանգի արդյունքում» կալանավորում են «Տավուշը հանուն հայրենիքի շարժման մասնակիցներին»: Ապրիլից մինչեւ օրս տեղի ունեցած ակցիաներին մասնակցության համար պաշտոնապես կալանավորված է 29 քաղաքացի, բայց գործը այսպեսով չի ավարտվի: «Ժողովուրդ» օրաթերթի տեղեկություններով՝ առաջիկայում նոր կալանավորումներ են կլինեն:



ԶՐՈՒՅՑ

ԱՐՑԱԽՅԻՆԵՐԻ ԹՈՇԱԿՆԵՐԸ ՉԵՆ ԲԱԺԱՆՎԵԼ

Արցախի ԱԺ «Միասնական հայրենիք» խմբակցության ղազաճամպուր Մեյրան Հայրապետյանը ֆեյսբուքյան իր էջում ահազանգել էր, որ բռնի տեղահանված արցախցիների 2023 թ. սեղսեմբեր ամսվա զինվորական եւ քաղաքացիական թուղթերը չեն բաժանվել:



«Ժողովուրդ» օրաթերթը այս առիթով մի քանի հարց է ուղղել Մեյրան Հայրապետյանին:

-Պարոն Հայրապետյան, Ձեր գրառման հետքերով կխնդրեմ մի փոքր մանրամասնեք՝ ինչի մասին է խոսքը, եւ որտեղից նման ահազանգ ունեք, որ արցախցիների թուղթերը չեն բաժանվել:

-Ես հավաստի տեղեկություններ ունեմ, որ սեպտեմբեր ամսվա թուղթերը համապատասխան կարգով դուրս են գրվել, որից հետո, հաշվի առնելով այն հանգամանքը, որ Արցախը գտնվում է շրջափակման մեջ, եւ այդ գումարները համապատասխան շրջաններ հասցնել հետը կապված խնդիրներ կային, ում կարողացել, այդ գումարը տվել են՝ քարտային փոխանցումով, իսկ այն գումարները, որոնք առձեռն պետք է վերցվեին՝ փոստատարի միջոցով, արցախցիները չեն ստացել:

Այս հարցով մենք փորձել ենք Արցախի կառավարության հետ ճշտումներ անել, ցուցակ ճշտել, ամեն անգամ վստահեցրել են, որ ընթացքի մեջ է, այսինքն՝ գումարը չի կորչել, գտնվում է համապատասխան բալանսում, այն ինչ չի տրվել, վերադարձվելու է: Վերջին անգամ երբ ճշտել ենք, Արցախի կառավարությունից մեզ հայտնել են, որ Հայաստանի կառավարությունը ստացրել է բոլոր միջոցները, եւ չեն կարող գումարը հատկացնել քաղաքացիներին:

Արցախի կառավարությունը ներկայացրել է, որ քաղաքացիների ցուցակները լրիվությամբ կան, ներկայացվել են ՀՀ համապատասխան նախարարություններ,

բայց քանի որ գումարները ստացված են, նրանք չեն ստանում:

-Իսկ ի՞նչ են պատճառաբանել՝ ինչու են թուղթերը ստացվել:

-Մի կողմը պատճառաբանում է, որ սեպտեմբերի թուղթերը հատկացրել են, մյուս կողմն էլ պատճառաբանում է՝ քանի որ տեխնիկական պատճառներով գումարը չեն կարողացել փոխանցել, դրանք մնում են բալանսում, այսինքն՝ ստացված են: Մենք սպասելու ենք ՀՀ համապատասխան մարմինների արձագանքին, եթե տվյալ հարցը լուծում չստանա, մենք հարողորում ենք տալու հանցագործության մասին:

-Կխնդրեմ նաեւ նշեք, թե քանի քաղաքացի չեն ստացել թուղթերը, ընդհանուր որքան գումարի մասին է խոսքը:

-Հստակ գիտենք, որ որոշ մարդիկ չեն ստացել, կարող է՝ տասնյակ, կարող է՝ հարյուրավոր, դա արդեն հարցի մյուս կողմն է:

Գումարն ընդհանուր չեմ կարող ասել, բայց եթե խոսքը քաղաքացիական թուղթի մասին է, ապա մեկ անձին՝ 35-ից մինչեւ 78 հազար դրամ է հասնում, իսկ զինվորական թուղթերը տարբեր են: Ակնկալիք է եղել, որ մարդկանց ցուցակները վերցրել են, որ հարցին վերջնական լուծում տրվի, բայց ոչինչ էլ չի արվել:

Զրուցեց ՔՐԻՍՏԻՆԵ ՄՈՒՇԵՂՅԱՆԸ

ՉԻ ՀԲԱԺԱՐՎՈՒՄ ՀԱՅԱՍՏԱՆԻ ՀԵՏ ԵՓՈՒՄՆԵՐԻՑ

Ռուսաստանը չի հրաժարվում ռազմատեխնիկական ոլորտում Հայաստանի հետ շփումներից: Այս մասին ճեպագրույցում հայտարարել է ՌԴ ԱԳՆ պաշտոնական ներկայացուցիչ Մարիա Զախարովան՝ կապված ՌԴ փոխարտգործնախարար Միխայիլ Գալուզինի հայտարարության եւ այն լուրերի հետ, որ Ռուսաստանը կարող է հրաժարվել Հայաստանի հետ զենքի մատակարարման վերաբերյալ բանակցություններից:

Զախարովան կոչ է արել ռազմական արտադրանքի մատակարարման հարցերով դիմել համապատասխան բաժիններին: «Չենք եւ ռազմական տեխնիկայի առանձին տեսակների նկատմամբ առկա սահմանափակումները վերաբերում են ոչ միայն Հայաստանի, այլ նաեւ մեր մյուս գործընկերների հետ ռազմատեխնիկական համագործակցությանը: Ինչ վերաբերում է ռազմատեխնիկական ոլորտում Հայաստանի հետ շփումներին, մենք դրանցից չենք հրաժարվում, դրանք կանոնավոր կերպով են ընթանում», - ասել է Զախարովան:

«ՄԱՐՏԻ 1»-Ը ԲԱՑԱՀԱՅՏԵԼՈՒ ՄԱՍԻՆ

«Մարտի 1»-ը ողբերգություն է բոլոր առումներով, այն լիարժեք բացահայտելու հնարավորություն ուներ այս իշխանությունը վեց տարվա ընթացքում, հետեւաբար, երբ իրենք կբացահայտեն, գնահատական կտան, եւ էլ ինձ իրավունք կվերապահեմ գնահատական տալու»: - այս մասին երեկ՝ հունիսի 19-ին՝ մամուլի ասուլիսի ժամանակ, նշեց Բագրատ Սրբազանը՝ պատասխանելով հարցին, թե ինչու ժամանակին գնահատական չի հնչեցրել «Մարտի 1»-ի վերաբերյալ, երբ հիմա հունիսի 12-ի իրադարձությունները համեմատում է այդ օրվա հետ:

Բագրատ Սրբազանը նաեւ ասաց, «Մարտի 1»-ի հետ համեմատությունը զուտ անձի պատճառով է եղել:

«Այդ մարդն ի՞նչ էր ասում «Մարտի 1»-ին՝ հոգին փառավորվում էր, քաղաքացիներին հրահրում էր, որ ոստիկաններին ջարդեն, երկաթներ վերցնեն, ինքնապաշտպանվեն: Ես համեմատել եմ այդ դրվագը այս դրվագի հետ:


Ես այն մարդը չեմ, որ «Մարտի 1»-ի քաղաքական գնահատական տամ: Դատարան կա, վեց տարի դատարան իրենց ձեռքում է, բոլոր հնարավոր տարբերակներով՝ ԱԱԾ, փաստաթղթեր, ամեն ինչ իրենց ձեռքում է, թող բացահայտեն», - նշեց Բագրատ Սրբազանը:

Նա ասաց, որ «Մարտի 1»-ը Հայաստանի պատմության ամենասու էջերից մեկն է:

ԱՍՈՒԼԻՍ

«ԳՆԱԼՈՒ ԵՆՔ ԶԿԱՐԿԱԳՐՎԱԾ ԲԱՆԱԿՑՈՒԹՅՈՒՆՆԵՐԻ»

«Ի՞նչ են ուզում, ԵՄ մուսֆն ինչո՞ւ են ուզում ներկայացնել, ժողովրդին ասելու են՝ այս գործընթացին համաձայնեցի՞ք ազատ վիզա եւ ստանալու»: Այս մասին՝ հրավիրված մամուլի ասուլիսին ասաց «Տավուրը հանուն հայրենիքի» շարժման առաջնորդ Բագրատ Սրբազանը:



«ԵՄ-ին անդամագրվելն այս պահին ակիրատեսական է խորքային եւ գործընթացների իմաստով: Միզուցե ինչ-որ ժամանակ հնարավոր լինի, բայց դա չափազանց ծանր, դժվար, պահանջներով գործընթաց է: ԵՄ մուսոնը ինչպե՞ս են ուզում ներկայացնել: Ժողովրդին ասելու են՝ այս գործընթացին համաձայնեցի՞ք՝ ազատ վիզա եւ ստանալու Եվրոպա գնալ-գալու համար», - ասաց նա:

Նրա խոսքով՝ Եվրոպա ազատ ելումուտի անվան տակ խաբելու են ժողովրդին, փորձելու են իրականացնել Սահմանադրության փոփոխություն, անկախության հռչակագրից հրաժարում եւ այլն:

Սրբազանը, անդրադառնալով սահմանազատման եւ բանակցությունների հարցերին, նշել է. «Ես դեմ եմ, որ մենք գնանք ինչ-որ երկրների դեսպանատների առջեւ թախանձագին պիկետներ անենք, խնդրենք, որ դատապարտեն. բայց եթե շարժման մասնակիցները ցանկանան, որ այդպես լինի, այդպես կլինի: Ուրիշ միջոցներ

Հարցին՝ իր իշխանության գալու դեպքում ինչպե՞ս է խաղաղություն բերելու, կատեցնելու է սահմանազատում, թե՛ ոչ, արդյոք այլ օրակարգ է առաջ բերելու, Սրբազանը պատասխանեց. «Ես մի քանի անգամ ներկայացրել եմ այդ օրակարգը: Մենք ենք խաղաղություն բերողը, այս մարդը պատերազմ բերողն է եւ այն շարունակողն է: Եթե անարդարության հիմքով է մի բանը տեղի ունենում, դա նորից պայթելու է: Դուք ինչպե՞ս եք պատկերացնում Կիբանցի ժողովուրդը այդ արհավիրքի մեջ ապրի տարիներ: Մենք երկարաժամկետ, կայուն խաղաղություն բերողն ենք: Այսօրվա մեր ունեցած գործիքակազմը իրական բանակցություններն են, ոչ թե հարկադրանքի տակ բանակցությունները: Մենք պետք է այդ բանակցային սեղանի շուրջ թելադրենք մեր պայմանները: Դրանցից առաջինը մեր ռազմագերիների վերադարձի պայմանն է, արցախցիների վերադարձի իրավունքն է, երրորդը՝ սահմանազատում անելուց առաջ հասնել նրան, որ, այսպես կոչված, խաղաղության պայմանագիրը կնքվի, նոր սկսվեն մնացած գործընթացները: Սահմանազատումը պետք է տեղի ունենա փաթեթով, համապատասխան, կորդինատներով, սահմանագծումներով, սահմանազատումների նշումներով, համապատասխան քարտեզներով», - նշել է Բագրատ Սրբազանը:

Ինչ մնում է իրենց վերաբերմունքին, իմ ասածը արդարության մասին է: Ի՞նչ երես ունեն իրենք... Երկակի ստանդարտները աշխարհում հայտնի են, մեր կյանքում էլ նույնն է: Մենք ոչ մեկից ոչ թախանձելու, ոչ խնդրելու բան ունենք, մենք պահանջելու բան ունենք», - ասաց նա:

ՄԵՂԱԴՐԱՆՔ

ԷԹՆԻԿ ԹՇՆԱՄԱՆՔԻ ՎԻՄՔՈՎ ԶԱՆՑԱՆՔԻ ԴԵՊՔ

2024 հունիսի 10-ին ֆիզիկական անձից ՀՀ ՆԳՆ ոստիկանության բաժնում հաղորդում է ստացվել, որ նույն օրը գիշերը, անհայտ անձը հարձակվել է Երեւանի Նար-Գոսի փողոցում գտնվող հրեական կրոնական կենտրոնի վրա եւ քարով հարվածել ու կոտրել է նշված կենտրոնի դաստիարակի աղակից՝ դասճառեղով գույքային վնաս:



Հաղորդման կապակցությամբ կազմված նյութերն ստանալուց հետո ՀՀ ՔԿ ԵԶԶԷ Էրեբունի եւ Նուբարաշեն վարչական շրջանների քննչական բաժնի կողմից Ոստիկանությանը հանձնարարվել է ձեռնարկել համապատասխան միջոցառումներ՝ դեպքի իրական հանգամանքները, ենթադրյալ հանցագործությունը կատարած անձի ինքնությունը, ենթադրյալ հանցագործության շարժառիթը, դրդապատճառները պարզելու ուղղությամբ:

Ձեռնարկված օպերատիվ-հետախուզական միջոցառումների արդյունքում պարզվել է, որ դեպքը տեղի է ունեցել հունիսի 10-ին՝ ժամը 01:43-ին, եւ «Հրեական կրոնական» կենտրոնի գրասենյակի պատուհանին քարով հարվածել եւ ապակին կոտրել է Արտաշատ քաղաքի 35-ամյա բնակիչը, ապա դիմել փախուստի:

Ոստիկանության կողմից վարույթն իրականացնող մարմինն ներկայացվել է նաեւ ձերբակալված Նշված անձը:

Դեպքի առթիվ 2024թ. հունիսի 15-ին ՀՀ ՔԿ ԵԶԶԷ Էրեբունի եւ Նուբարաշեն վարչական շրջանների քննչական բաժնում ՀՀ քրեական օրենսգրքի 146-րդ հոդվածի 1-ին մասով նախաձեռնվել է քրեական վարույթ:

35-ամյա անձը տվել է ինքնախոստովանական ցուցմունք, նրա մասնակցությամբ կատարվել են անհրաժեշտ քննչական գործողություններ: Կատարվել է դեպքի վայրի զննություն, որի ընթացքում Նար-Գոս 23 հասցեի Հրեական կրոնական կազմակերպության պատուհանը եղել է կոտրված, իսկ գետնին հայտնաբերվել եւ վերցվել է երկու քար:

Առգրավվել եւ ուսումնասիրվել են տարածքը տեսագրող սարքի պարունակության՝ դեպքին վերաբերելի հատվածները:

Քննությամբ պարզվել է, որ Նշված անձի կողմից կրոնական հաստատության պատուհանին հարվածելու, գույքային վնաս պատճառելու շարժառիթը եղել է ազգային, էթնիկական թշնամանքը:

2024թ. հունիսի 17-ին միջնորդություն է հարուցվել հսկող դատախազին 35-ամյա տղամարդու նկատմամբ ՀՀ քրեական օրենսգրքի 146-րդ հոդվածով հանրային քրեական հետապնդում հարուցելու մասին, որը բավարարվել է, վերջինիս ներկայացվել է մեղադրանք:

Միջնորդություն է ներկայացվել դատարան՝ նրա նկատմամբ կալանքը որպես խափանման միջոց ընտրելու վերաբերյալ, որը մերժվել է, եւ նրա նկատմամբ որպես խափանման միջոց է ընտրվել բացակայելու արգելքը:

Ծանուցում. Հանցանքի համար մեղադրվողը համարվում է անմեղ, քանի որ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով դատարանի՝ օրինական ուժի մեջ մտած դատավճռով:

ՔՆՍՐ ՄՍՆՈՒԿՅԱՆ

ԼՈՒՐԵՐ

ՏՈՒԳԱՆՔ՝ ԳՐԱՌՈՒՄ ԿԱՏԱՐԵԼՈՒ ՀԱՄԱՐ



Իրավապահները շարունակում են պատասխանատվության կանչել այն քաղաքացիներին, որոնք սոցիալական ցանցում Նիկոլ Փաշինյանի մասին գրառումներ են կատարում: Մասնավորապես՝ Դավիթ Մովսիսյանին մեղադրանք է առաջադրվել, որ նա 2022 թվականի դեկտեմբերի 12-ին, քաղաքական հայացքներով պայմանավորված, տեղեկատվական, հաղորդակցական տեխնոլոգիաների օգտագործմամբ, բռնություն գործադրելու հրապարակային կոչ է արել ուղղված ՀՀ վարչապետ Նիկոլ Փաշինյանին՝ համացանցի «Ֆեյսբուք» սոցիալական կայքի իր կողմից օգտագործվող David Movsisyan տվյալներով օգտահաշվով նույն սոցիալական կայքի Yerevan.today կայքէջի՝ «Թուրքիան, Հայաստանն ու Ադրբեջանն ունեն իրար կարիքը. Նիկոլ Փաշինյան» հրապարակման տակ կատարելով՝ «Էս վիժվածքին օր առաջ պիտի սատակցնել» գրառումը:

2 տարի քննելով այս գրառումը՝ դատարանը կայացրել է որոշում:

Դավիթ Մովսիսյանին մեղավոր ճանաչել ՀՀ քրեական օրենսգրքի 330 հոդվածի 2-րդ մասի 3-րդ կետով նախատեսված հանցանքի կատարման մեջ, եւ նրա նկատմամբ պատիժ նշանակել տուգանք՝ հանցանքը կատարելու պահին նվազագույն աշխատավարձի տասնամասյակի՝ 680.000 (վեց հարյուր ութսուն հազար) ՀՀ դրամի չափով:

ԶՎԵՐԹԻ ՈՒՇԱՑՄԱՆ ՊԱՏՃԱՌԸ

Երեկ առավոտյան հայտնի դարձավ, որ Wizzair ավիաընկերության Միլան-Երեւան չվերթը, որ պետք է Հայաստան ժամաներ առավոտյան 05:25-ին, ուշացում է ունեցել, եւ Հայաստան է մեկնել 5-6 ժամ ուշացումով:

«Ժողովուրդ» օրաթերթին հայտնի դարձավ, որ Wizzair ավիաընկերության այդ չվերթում կան 2 տասնյակ եւ ավելի հայ ուղեւորներ, որոնք Luna Tour տուրիստական կազմակերպության միջոցով էին մեկնել Միլան: «Ժողովուրդ» օրաթերթի հետ զրույցում տուրիստական կազմակերպության ներկայացուցիչն ասաց, որ չվերթի չկայացման պատճառն այն է, որ վատացել է օդաչուի ինքնազգացողությունը եւ հայտնեց այլ մանրամասներ:

ԲԱՅԱՐԱՅՏՈՒՄ

ԳՅՈՒՂԱՅՈՒ ԾԱՆԻՑ ԳՈՒՄԱՐ ԵՆ ԳՈՂԱՅԵԼ

Մայիսի 31-ին՝ առավոտյան ժամը 8:48-ին, ոստիկանություն է ահազանգել Քասախ գյուղի մի բնակիչ եւ հայցնել, որ ՏՆԻԿ գումար են գողացել:

ՆԳՆ ոստիկանության փոխանցմամբ՝ Կոտայքի մարզի օպերատիվ կառավարման կենտրոնից հաղորդումը փոխանցվել է ոստիկանության Նաիրիի բաժնի, որտեղից էլ օպերատիվ խումբ է մեկնել դեպքի վայր:

«Նաիրիի» երեկոյից մինչ առավոտ տանը մարդ չէր եղել, այդ ընթացքում էլ կոտրել էին եվրոպատուհանի ապակին եւ երկրորդ հարկի ննջարանից՝ ներքնակի տակից, տարել էին 55 հազար դոլար:

Նախաձեռնվեց քրեական վարույթ, կատարվեցին անհետաձգելի գործողություններ: Այս ամենին զուգահեռ, տեղազննության արդյունքներն ու հանցագործության հանգամանքները համադրելով, Նաիրիի քրեական հետախույզներն առաջ քաշեցին վարկածներ: Օպերատիվ-հետախուզական միջոցառումներն արագ արդյունք տվին: Ըստ վարկածի՝ կար էլ կազմակերպիչ, եւ կատարող, եւ օժանդակող:

Սկզբնականում մտ ժամ անց՝ ժամը 12:30-ին, Քասախ գյուղի իր տանը հայտնաբերվեց 37-ամյա օժանդակողը: Եվս երեք ժամ անց մայրաքաղաքի Բաշինջաղյան փողոցում, համազրուդացու տնից գողությունը կազմակերպելու կասկածանքով, ձերբակալվեց եւ ոստիկանության Նաիրիի բաժնի տեղափոխվեց Քասախի բնակիչ 38-ամյա տղամարդը: Նա էր ուղղորդել երեւանցի 41-ամյա տղամարդուն հաղորդելու անհրաժեշտ տվյալներ եւ մայիսի 30-ի երեկոյան էլ իր մեքենայով նրան հասցրել էր համազրուդացու տան հետնամաս ու հեռացել:

41-ամյա երեւանցին, զինված անհրաժեշտ գիտելիքներով ու տեխնիկական միջոցներով, մտել էր տուն եւ տարել գումարը: Այնուհետեւ երեւանցին կապվել էր կազմակերպիչի եւ օժանդակողի հետ: Հանդիպել էին Երեւան-Աջտարակ ավտոճանապարհին, որտեղ կատարողը 7600 դոլար տվել էր կազմակերպիչին, 7500 դոլար՝ օժանդակողին: Ի դեպ, վերջինս իր վարձատրությունն ամբողջությամբ ի պահ էր հանձնել մի երրորդ անձի:

Կազմակերպիչն ու օժանդակողը ներկայացվել են նախաքննական մարմին, որտեղ տվել են խոստովանական ցուցմունք եւ տեղափոխվել ձերբակալվածների պահման վայր:

Օժանդակողի վստավելի անձի խուզարկությամբ հայտնաբերվել է գողոնի մի մասը՝ 7500 դոլարը, իսկ կազմակերպիչն իր զոքանջի տնից ներկայացրել է 4400 դոլար գողոն:

Դատարանի որոշմամբ կազմակերպիչն ու օժանդակողը կալանավորվել են: Ձեռնարկվում են միջոցներ՝ երեւանցի կատարողին եւ գողոնի մնացած մասը հայտնաբերելու ուղղությամբ:

Նախաքննությունը շարունակվում է՝, - ասված է ոստիկանության հաղորդագրության մեջ:

● Ըստ ոստիկանության տվյալների՝ հունիսի 18-ից 19-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 113 դեպք, որից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԳՈՒՄԱՐՆԵՐ ԶԵՆ ՀԱՏԿԱՑՎՈՒՄ

Տավուշի մարզպետ Յայլ Ղալույա- կին հարցում ենք արել, թե 2024 թվա- կանին Դեբեդի ափի ամրացման աշ- խատանքների համար պետբյուջեից կամ այլ կազմակերպությունից որքան գումար է նախատեսված: Մարզպետա- րանից պատասխանել են. «Հարցի վե- րաբերյալ առաջարկում ենք դիմել պե- տական լիազորված մարմին»: Մարզ- պետը պարտավոր էր հայտնել, թե ո՞րն է այդ խնդրով պետական լիազոր մար- մինը, սակայն չի հայտնել: Իրականում պետական բյուջեից կամ այլ կազմա- կերպությունից այս տարի, ինչպես եւ նախորդ տարիներին, Դեբեդի ափի ամ- րացման համար գումարներ չեն հատ- կացվել: Վարարած Դեբեդը, հանդիպե- լով ժայռերով եւ փոքր քարերով ամ- րացված վրացական ափին, քշում-տա- նում է Հայաստանից տարածքներ: Մա- յիսի 26-ի հեղեղից վարարած Դեբեդը Վրաստանին սահմանակից Դեբեդա- վան գյուղից կես հեկտար տարածք է քշել-տարել: Փոքր Հայաստանի տա- րածքն այդպես ավելի է փոքրանում: Պետական բյուջեում միլիարդավոր դրամներ կան՝ պետական պաշտոնյա- ներին չգիտես թե ինչ ձեռքբերումների ու նվաճումների համար պարգևատրե- լու համար, սակայն Դեբեդի ափի ամ- րացման աշխատանքների համար գու- մարներ չկան: Նման վատ իրավիճակ է տասնամյակներ շարունակ:

ԳՊՐՈՑԻ ՈՐ ԸՆԵՔ ԿՐԱՃԱԽԵՆ

Հայտնի չէ, թե այս տարվա սեպտեմ- բերին դպրոցի որ շենք կհաճախեն Իջեան համայնքի սահմանամերձ Կի- րանց գյուղի աշակերտները: Կիրանցում կառուցվող դպրոցի շինարարության համար ՀՀ պետական բյուջեից 615 մի- լիոն դրամ է հատկացվել, հայտարար- վել է, որ Կիրանցում առաջին անգամ դպրոցի տիպային շենք է կառուցվում: Դպրոցի շինաշխատանքները սկսվել են 2021 թվականին՝ 44-օրյա պատերազ- մից հետո, դպրոցի շենքի նախագծման եւ կառուցապատման փուլում իշխանու- թյունն ինչո՞ւ հաշվի չի առել այն հանգա- մանքը, որ սահմանազատումից հետո դպրոցի շենքը շատ մոտ է լինելու սահ- մանին, արդե՞քանցի զինված սահմա- նապահներին: Կիրանցի հիմնական դպ- րոցի տնօրեն Վոլոդյա Բաբինյանին հարցրինք՝ ինքը աշակերտների ծնողնե- րի հետ հանդիպել է, որպեսզի ճշտի, թե նոր ուսումնական տարում դպրոցի ո՞ր շենք են հաճախելու աշակերտները: Նա ասաց, որ դեռ չի հանդիպել, առա- ջիկայում կհանդիպի: Վ. Բաբինյանին հարցրինք նաեւ, թե ե՞րբ է շահագործ- ման հանձնվելու սահմանազատման հե- տեւանքով Աղբեջանի սահմանից մոտ 50 հեռավորությամբ հայտնված դպրոցի նորակառուց շենքը: Վ. Բաբինյանը հայտնեց՝ իրեն ասել են, որ դպրոցի նոր շենքը պատրաստ կլինի սեպտեմբերին: Կիրանց գյուղի 41 աշակերտները հա- ճախում են 3-4 աստիճանի վթարային դպրոց, որը Կիրանցի համայնքապետա- րանին պատկանող շենք է, հարմարեց- ված է որպես կրթօջախ: Վ. Բաբինյանը, այնուամենայնիվ, հույս ունի, որ դպրոցի շենքի հետ կապված խնդիրը դրական լուծում կունենա:

ՈՍՎԱՆ ՍԱՐԳՍՅԱՆ Տավուշ

ԲՆԱՊԱՀՊԱՆԱԿԱՆ ՀԱՐՑԵՐ

ԷԿՈԼՈԳԻԱԿԱՆ ԾՐԱԳՐԵՐԻ ՄԵԿՆԱՐԿ

Հունիսի 17-ին, տեղի է ունեցել Փամ- բակ համայնքի, Բնության համա- խարհային հիմնադրամի (WWF) հա- յաստանյան մասնաճյուղի եւ «Բու- ֆար» համայնքային սոցիալ-բնադա- ղանական հասարակական կազմա- կերպության միջեւ երկարամյակ համաձայնագրի կնքման արարողու- քյունը, որով սկիզբ դրվեց «Էկոլոգիա- կան միջանցքների ստեղծման աջակ- ցություն» սարածաբանական ծրագրի մեկնարկը համայնքի 3 բնակավայ- րերում՝ Եղեզնուում, Գեբեղում եւ Մարգահովիսում:



Ծրագրի շրջանակում կստեղծվի հա- մայնքային բնապահպանական գոտի, որը կկազմի շուրջ 7,938 հա (1,776 հա հիմնական եւ 6,162 հա կայուն կառա- վարման գոտիներ): Ծուրջ 263,840 եվրո կտրամադրվի WWF-ի կողմից ոչ միայն բնապահպանական նպատակների, այլեւ շահառու բնակավայրերի սոցիալ-տնտե- սական զարգացման համար (արդեն սկս- վել են արտոների ենթակառուցվածքը բարելավելու աշխատանքները եւ տե- դադրվել են արեային կայաններ բոլոր շահառու բնակավայրերում):

Միջոցառմանը ելույթ ունեցան ԷՄՀ տեխնիկական խորհրդատու Յերնի Սթ- րիթին, WWF Հայաստանի տնօրեն Կա- րեն Մանվելյանը, ԷՄՀ ծրագրի ազգային համակարգող Արմեն Շահբազյանը եւ WWF Հայաստանի ՄՀ մասնագետ Ար- ման Կանդարյանը, ովքեր Բնության հա- մաշխարհային հիմնադրամի (WWF) հայաստանյան մասնաճյուղ ներկայա- ցրին ծրագրի երկրորդ փուլի ընթացքը, խոսեցին գրանցված հաջողությունների եւ նախաձեռնված քայլերի մասին: Վերջի- նիս հաջորդեց ԼԻԼԱ ծրագրի ՌԶԳ հա- մակարգող Ալլա Ղազարյանի ելույթը ծրագրով կատարված աշխատանքների ընթացքի մասին:

ԷՄՀ ազգային համակարգող Արմեն Շահբազյանը հայտնեց. «Մեզ համար ոգեւորիչ է, որ Փամբակ համայնքը ցան- կություն հայտնեց միանալ այս ծրագրին. առանց համայնքի ակտիվ մասնակցու- թյան բնապահպանությունը պարզապես կձայնողվի»:

Միջոցառման հյուրերի թվում էին ՀՀ Շրջակա միջավայրի նախարարության, Գերմանիայի Դաշնային Հանրապետու- թյան տնտեսական համագործակցության եւ զարգացման նախարարության (BMZ),

ԿԳՊ Բանկի, Շվեյցարիայի զարգացման եւ համագործակցության գործակալության (SDA), «Ռազմավարական Ջարգացման Գործակալություն» (ՌԶԳ) ՀՀ-ի ներկայա- ցուցիչները ի դեմս այլ հյուրերի:

«Այսօրվա համաձայնագիրը արտացո- լում է մեր հանձնառությունը՝ լավագույնս համատեղելու բնապահպանությունը տե- դական սոցիալ-տնտեսական աճի հետ», - նշեց WWF-Հայաստանի հասարակու- թյան հետ կապերի, համագործակցու- թյան եւ ֆոնդային աջակցության ղեկավար Ժակ Նիսազյանը:

«Էկոլոգիական միջանցքների ստեղծ- ման աջակցություն» տարածաշրջանա- յին ծրագիրը մեկնարկել է 2015 թվակա- նին: Հայաստանում այն իրականացվում է Բնության համաշխարհային հիմնադրա- մի հայաստանյան գրասենյակի (WWF- Հայաստան) եւ ՀՀ շրջակա միջավայրի նախարարության ջանքերով եւ ֆինան- սավորվում է Գերմանիայի կառավարու- թյան կողմից՝ ԿԳՊ զարգացման բանկի միջոցով:

ԷՄՀ II փուլի ծրագիրը համաֆինանսա- վորվում է Շվեյցարիայի զարգացման եւ համագործակցության գործակալության /SDC/ կողմից ֆինանսավորվող «Հայաս- տանի կենդանի լանդշաֆտները շուկայի զարգացման համար» /LILA/ ծրագրի կողմից՝ նպաստելով տեղական բնակչու- թյան կենսապայմանների ապահովմանը՝ նույն թիրախային բնակավայրերում էկո- տուրիզմի, վայրի հավաքի եւ անասնա- պահության զարգացման միջոցով:

Ծրագիրը նաեւ կնպաստի կառավար- ման տարբեր մակարդակներում գյու- ղատնտեսական եւ կենսաբազմազանու- թյան վերաբերյալ համապատասխան քաղաքականության մշակմանը, ինչպես նաեւ կլիմայի փոփոխության ազդեցու- թյան նկատմամբ համայնքների եւ էկո- համակարգերի դիմացկունության ամ- րապնդմանը: /LILA/ ծրագրի բյուջեն կազմում է 4,500,000 շվեյցարական ֆրանկ:

ԱՆՆԱ ՍՐԱՊԻՈՆՅԱՆ

100 ՀԱԶԱՐ ԵՎՐՈ

ԵՄ ՕԳՆՈՒԹՅՈՒՆԸ՝ ՀԵՂԵՂԻՑ ՏՈՒԺԱԾՆԵՐԻՆ

Եվրոպական միությունն օգնության ձեռք է մեկնում Հայաստանում հեղե- ղումների հետեւանքով տուժածներին:

ՀՀ-ում ԵՄ-ի ներկայացուցչության հա- ղորդամբ, Հայաստանի Լոռու եւ Տա- վուշի մարզերում մայիսին տեղացած հորդառատ անձրեւներով պայմանավոր- ված հեղեղումների հետեւանքով առավել շատ վնասներ կրած գյուղերին աջակցե- լու նպատակով Եվրոպական միությունը հատկացրել է 100 հազար եվրո մարդա- սիրական օգնություն:

ԵՄ ֆինանսավորումը հատկացվում է օժանդակելու Հայկական Կարմիր խաչի ընկերությանը խիստ անհրաժեշտ, այդ

թվում՝ դրամական օգնություն եւ առաջ- նային անհրաժեշտության պարագաներ ուղարկելու գործում:

Մարդասիրական օգնությունը միտված է օգուտ բերելու ընդհանուր առմամբ 5060 ուղիղ շահառուների, այդ թվում՝ 2,500 անհատների, ովքեր կստանան դրամական օգնություն՝ լուծելու իրենց ամենահրատապ կարիքները եւ 2,760 անհատների, ովքեր կստանան աջակցու- թյուն կացարանի տրամադրման, ինչպես նաեւ ջրի եւ սանիտարահիգիենիկ պայ- մանների ապահովման նպատակով: Աջակցությունն ուղղված է այն տնային տնտեսություններին, որոնց տները, ցան- քատարածությունները, անասունները եւ

պարենային պաշարներն ավերվել են հե- ղեղումների հետեւանքով:

Ֆինանսավորումը տրամադրվում է ի լրումն Կարմիր խաչի եւ կարմիր մահիկի ընկերությունների միջազգային ֆեդերա- ցիայի Աղետների արձագանքման Ար- տակարգ հիմնադրամին ԵՄ կողմից հատկացվող ընդհանուր ներդրման:

2024 թվականի մայիսի 26-ին Հայաս- տանի ամբողջ տարածքում տեղացած հորդառատ անձրեւների հետեւանքով տեղում գրանցված տեղումների քանակը հասել է 100 մմ-ի, որի հետեւանքով առա- ջացել է Դեբեդ, Աղստեւ եւ Տաշիր գետե- րի անսպասելի վարարում՝ վատթարաց- նելով հեղեղումների հետեւանքները:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 19 պատահար. 24 մարդ ստացել է տարբեր աստիճանի մարմնական վնասվածքներ:

ԳԻՏԱԺՈՂՈՎ

ԺԱՄԱՆԱԿԱՆԻՅ ՏԻԶԻԿԱ ՈՒՍՈՒՑՄԱՆ ՀԻՄՆԱԽՆԴԻՐՆԵՐ

Սույն թվականի հունիսի 18-ին ՀՀ Գիտությունների ազգային ակադեմիայում մեկնարկեց «Ժամանակակից ֆիզիկա. հանրամասչելիացման և ուսուցման հիմնախնդիրներ ու լուծումներ» խորագրով գիտաժողովը: Այն կազմակերպվել է «Գիտությունը՝ հանրակրթությանը» ծրագրի շրջանակում և նախատեսված է ՀՀ ավագ դպրոցների ուսուցիչների համար:



Հանդիպմանը մասնակցեցին ՀՀ ԳԱԱ նախագահության անդամներ, գիտնականներ ՀՀ գիտական և կրթական հաստատություններից, ՀՀ ավագ դպրոցների ֆիզիկայի ուսուցիչներ:

Միջոցառման մասնակիցներին ողջունեց ՀՀ ԳԱԱ ակադեմիկոս-քարտուղար, թղթակից անդամ Արթուր Իշխանյանը: «Այսօր գիտությունը թեև ակտիվ է մի այնպիսի ժամանակաշրջան, երբ գիտական արդյունքն այլևս ինչ-որ տեղ գերազանցում է մարդկային երեակայությունը: Գիտությունն ավելի մեծ արագությամբ է զարգանում, և գիտելիքների մշտական թարմացումը և կապն առաջնագծային հետազոտությունների հետ առաջնային է ձեռք համար՝ որպես առաքյալների, որոնք լույսը պետք է առաքեն աշակերտներին և, ընդհանրապես, հասարակությանը», - ասաց Արթուր Իշխանյանը:

«Ավագ դպրոցի ուսուցիչները պետք է թելադրող լինեն՝ ինչ ծրագրերով և մեթոդով իրականացնել դասավանդումը, որպեսզի աշակերտը կարողանա որոշել ինչ մասնագիտություն ընտրել: Այս միջոցառման ընթացքում դուք կծանոթանաք ֆիզիկայի ոլորտի վերջին նորություններին, նոր ուղղություններին և նոր հետազոտություններին, որոնք կարող են օգտագործել դասավանդման գործընթացում ավելի գրավիչ դարձնելով ֆիզիկական աշակերտների համար», - ասաց ՀՀ ԳԱԱ ֆիզիկայի և աստղաֆիզիկայի բաժանմունքի ակադեմիկոս-քարտուղար, ակադեմիկոս Ռադիկ Կոստանյանը:

«Ֆիզիկան այն ոլորտն է, որը Հայաստանում ունեցել է լավ ավանդույթ, և մենք ցանկանում ենք շարունակել այդ

ավանդույթը», - նշեց ՀՀ ԳԱԱ նախագահի գիտության և տեխնոլոգիաների գծով տեղակալ Վարդան Սահակյանը:

ՀՀ ԳԱԱ գիտության հանրամատչելիացման և զարգացման ծրագրերի վարչության պետ, մանկավարժական գիտությունների դոկտոր, պրոֆեսոր Կամո Աթայանն ընդգծեց գիտության հանրամատչելիացման կարևորությունը: «Մեր նպատակն է գտնել մեթոդներ, որոնք կնպաստեն Հայաստանում գիտության և կրթության սերտացմանը: Ֆիզիկայի ոլորտում մենք միշտ ունեցել ենք հաջողություններ: Այսօր հետաքրքրությունը որոշակի անկում է ապրում, և փորձում ենք հանրամատչելիացման միջոցով հաղթահարել այդ անջրպետը: Դրա իրականացումը կարևոր ուսուցիչներն են: Մենք առաջարկել ենք ստեղծել ֆիզիկայի ուսուցիչների ասոցիացիա, մի հարթակ, որտեղ կարող են բարձրացվել հարցեր և առաջարկվել փոփոխություններ», - ասաց Կամո Աթայանը:

Գիտաժողովի երկրորդ մասն անցկացվեց Արտեմ Ալիխանյանի անվան ազգային գիտական լաբորատորիայում:

Քառօրյա գիտաժողովի ընթացքում առաջատար գիտնականները Հայաստանի և արտերկրի գիտական և կրթական

հաստատություններից հանդես կգան գեկուցումներով՝ նվիրված ֆիզիկայի զարգացման ժամանակակից միտումներին, ժամանակակից աստղաֆիզիկային, քվանտային ֆիզիկային, ակուստաֆիզիկային, ատոմային և միջուկային ֆիզիկային:

Հունիսի 19-ին գիտաժողովի աշխատանքները կշարունակվեն ՀՀ ԳԱԱ ֆիզիկական հետազոտությունների ինստիտուտում, հունիսի 20-ին՝ Հայկական ատոմային էլեկտրակայանում, իսկ հունիսի 21-ին՝ ՀՀ ԳԱԱ ֆիզիկայի կիրառական պրոբլեմների ինստիտուտում: Հունիսի 21-ին կամփոփվեն գիտաժողովի աշխատանքները և մասնակիցները կստանան վկայագրեր:

Գիտաժողովը կազմակերպել են ՀՀ Գիտությունների ազգային ակադեմիան, ՀՀ ԳԱԱ ֆիզիկական հետազոտությունների ինստիտուտը, ՀՀ ԳԱԱ ֆիզիկայի կիրառական պրոբլեմների ինստիտուտը:

«Գիտությունը՝ հանրակրթությանը» ծրագրին աջակցում են Արտեմ Ալիխանյանի անվան ազգային գիտական լաբորատորիան և «Հայկական ատոմային էլեկտրակայան» ՓԲԸ-ն:

ՀՈՐԻ ԲԱՂԱՍՍՈՐՅԱՆ

ՄԱՐԶԱԿԱՆ

ՀԱՅՏՆԻ ԵՆ ՄՐՑԱԿԻՑՆԵՐԸ

Շվեյցարական Նիոն քաղաքում կայացել է ֆուտբոլի ՈՒԵՖԱ-ի Կոնֆեդերացիաների լիգայի որակավորման փուլի վիճակահանությունը:

Հայաստանի առաջնության փոխչեմպիոն Երեւանի «Նոա»-ի մրցակիցը որակավորման փուլում կլինի Հյուսիսային Մակեդոնիայից «Շկենդիա»-ն:

Երեւանի «Ուրարտու»-ի մրցակիցը որակավորման առաջին փուլում կլինի էստոնական «Կալե Տալին»-ը:

Հանդիպումների ժամանակացույցը դեռևս հայտնի չէ:

ԶԱՆԳՎԱԾԱՅԻՆ ԾԵԾԿՈՏՈՒՔ

Դորտմունդի «Սիգնալ Իդոնա Պարկ» արենայի տրիբունաներում զանգվածային ծեծկռուքի են մասնակցել Թուրքիայի և Վրաստանի հավաքականների երկրպագուների խմբերը: Այդ մասին տեղեկացնում է stavkinasport.com կայքը:

Եվրոպայի առաջնության խմբային փուլի առաջին մրցափուլի Թուրքիա - Վրաստան հանդիպման նախաշեմին երկրպագուների խոշոր բախում է տեղի ունեցել: Դորտմունդի «Բորուսիայի» տնային մարզադաշտի երկու հատվածների մենամարտը հայտնվել է լրատվամիջոցների ուշադրության կենտրոնում:

Անվանական տանտերերի խորհրդանիշներով հանդիսականներն ու հյուրերը սկզբում միմյանց վրա են նետել բաժակներ և այլ առարկաներ: Այնուհետև որոշ երկրպագուներ ուղղակի ենթարկվել են բռնության:

ԵՎՐՈ 2024-Ի ԱՌԱՋԻՆ ՏՈՒՐԻ ԽՈՐՀՐԳԱՆՇԱԿԱՆ ՀԱՎԱՔԱԿԱՆԸ

Իսպանական Marca պարբերականը ներկայացրել է Գերմանիայում ընթացող 2024 թվականի Եվրոպայի առաջնության մեկնարկային տուրի խորհրդանշական հավաքականը:

Դարպասապահ՝ Բարտ Վերբրյուգեն (Նիդերլանդներ):

Պաշտպաններ՝ Դանի Կարվախալ (Իսպանիա), Դավիդ Գանկո (Սլովակիա), Ալեսանդրո Բաստոնի (Իտալիա), Տեո Էրնանդես (Ֆրանսիա):

Կիսապաշտպաններ՝ Ֆաբիան Ռուխ (Իսպանիա), Նգոլո Կանտե (Ֆրանսիա), Դենիս Ման (Ռումինիա):

Հարձակվողներ՝ Արդա Գյուլեր (Թուրքիա), Ջամալ Մուսիալա (Գերմանիա), Կոդի Գակպո (Նիդերլանդներ):

Հատկանշական է, որ Իսպանիայի, Իտալիայի և Նիդերլանդների հավաքականները ներկայացված են երկուսական մասնակցով:

«ՄԵԾԱՆՈՒՆ ՀԱՅԵՐ...»

ՆԱՄԱԿԱՆԻՇԵՐԻ ՄԱՐՄԱՆ ԱՐԱՐՈՂՈՒԹՅՈՒՆ

Հ ԿԳՄՍ նախարարի սեղակալ Արթուր Մարտիրոսյանը մասնակցել է «Մեծանուն հայեր. Վալենտին Պողոսյանի ծննդյան 100-ամյակ» թեմայով նամակահիշերի մարման արարողությանը, որը տեղի է ունեցել Պողոսյանի արվեստանոցում:

Միջոցառմանը մասնակցել են նաև Բարձր տեխնոլոգիական արդյունաբերության նախարարի խորհրդական Գեորգ Մելիքյանը, «ՀայՓոստ» ընկերության գլխավոր գործադիր տնօրեն Արայիկ Աբրահամյանը, Ֆիլատելիստների հայկական ասոցիացիայի նախագահ Հովիկ Մուսայելյանը, Վալենտին Պողոսյանի այրին՝ Այա Պողոսյանը:

ԿԳՄՍ նախարարի տեղակալ Արթուր Մարտիրոսյանի խոսքով՝ պատիվ է մասնակցել մեծանուն վարպետի 100-ամյակին նվիրված միջոցառմանը:

«Վալենտին Պողոսյանի ծննդյան 100-ամյակի հոբելյանական տարում նրա

հիշատակն արժեւորելու նպատակով ԿԳՄՍ նախարարության աջակցությամբ Հայաստանի կինոգործիչների միության կինոյի տան մեծ դահլիճում տեղի է ունեցել հոբելյանական երեկո, ինչպես նաև «ՌեԱնիմանիա» անիմացիոն ֆիլմերի փառատոնի շրջանակում Շառլ Ազնավուրի անվան հրապարակի աստղային ճեմուղում տեղադրվել է վարպետի՝ մեծանուն անիմատոր, նկարիչ Վալենտին Պողոսյանի անվանական հուշատուրը», - ներկայացրել է ԿԳՄՍ փոխնախարարը:

Պողոսյանի այրին՝ Այա Պողոսյանը գովան, ներկայացրել է վարպետի կենսագրությունից հատվածներ, նրա «Նոստալգիա» և «Մեա կուլպա» («Իմ մեղքը») գեղանկարների պատմությունը: Ըստ նրա՝ Պողոսյանը հայկական մուլտիպլիկացիայի վերածննդի հայրն է, աշխատել է «Հայֆիլմում» 50 տարի, շուրջ 20 ֆիլմերի նկարիչ է, ինչպես նաև եղել է Երեւանի առաջին գլխավոր նկարիչը, իսկ գեղանկարչությամբ սկսել է զբաղվել 50 տարեկանում:

«Պողոսյանը գեղանկարչությամբ զբաղվել է 50 տարեկանից, և «Նոստալգիան» նրա առաջին գործն է, նկարել է 1974 թվականին: Ինքն իրեն համարում էր սիմվոլիստ գեղանկարիչ», - պատմել է Պողոսյանի այրին:

Արվեստանոցում պահպանվում են Պողոսյանի տարբեր տարիների ստեղծած կտավներ, քանդակներ և այլ աշխատանքներ, նրա իրերից:

320 ՀՀ դրամ անվանական արժեքով նամակահիշի վրա պատկերված է ՀԽՍՀ վաստակավոր նկարիչ Վալենտին Պողոսյանը (1924-1998 թթ.) իր «Վերջին մղոնը» կտավի խորապատկերին, իսկ 380 ՀՀ դրամ անվանական արժեքով նամակահիշը ներկայացնում է նրա «Իմ մեղքը» կտավը:

Նամակահիշերի վրա նաև առկա է «ՎԱԼԵՆՏԻՆ ՊՈՂՈՍՅԱՆ» գրառումը՝ հայերեն և անգլերեն:

● Հունիսի 21-ին՝ ժամը 19:00-ին, Երեւանի պետական կամերային թատրոնում տեղի կունենա «Ի գեն» հորեպոսական կատակերգությունը: Տոմսերի արժեքը՝ 3000-8000 դրամ:



Էջը՝ ԱԼՎԱՐԴ ԿՈՇԿԱԿԱՐՅԱՆԻ

ՏՈՒԳԱՆՔՆԵՐ

ՀԱՐՑ. Եթե անձը ադրանգներ է սրանադրսային միջոցներ է ներմուծել և հայաստանում ժամանակ ոչ ճշգրիտ տեղեկություններ է նշել, ադա այդ դեպքում տուգանք սահմանվում է, թե՞ ոչ: Եթե ուր, խախտումն առաջացրել է մասնաշաղկապի վճարների դրական հաշվարկում: Ուզում եմ իմանալ՝ խախտում սահմանելու դեպքում ինչ չափ է նախատեսվում:

Հարություն Գեղորգյան (37 տարեկան)



ՊԱՏԱՍԽԱՆ. Հարցին ի պատասխան՝ տեղեկացնում ենք, որ Հայաստանի Հանրապետության մաքսային օրենսգրքի 203 հոդվածի համաձայն՝ Հայաստանի Հանրապետության մաքսային սահմանով տեղափոխվող ապրանքները եւ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, հանցագործության հատկանիշների բացակայության դեպքում առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաեւ տուգանք՝ այդ մաքսային վճարների 50 տոկոսի չափով:

Հայաստանի Հանրապետության պետական եկամուտների կոմիտե

«ԺՈՂՎՈՒՐԳ». Նշենք, որ սահմանված ժամկետում մաքսային մարմիններին ապրանքների եւ տրանսպորտային միջոցների վերաբերյալ մաքսային հայտարարագիր չներկայացնելը, անկախ գրավոր հայտարարագիր ներկայացնելուց, առաջացնում է տուգանքի նշանակում՝ 50,000 դրամի չափով: Ի դեպ, Հայաստանի Հանրապետության մաքսային օրենսգրքի 212 հոդվածի համաձայն՝ մաքսային կանոնների խախտման անմիջական օբյեկտ համարվող ապրանքները ենթակա են վերցման:

ԿԱՐԳ

ՀԱՐՑ. Եթե աշխատողի եկամտահարկը ճիշտ չի դրվել, ադա ի՞նչ դեպք է անի: Արդյո՞ւ սահմանափակող ժամկետ գոյություն ունի, թե՞ ոչ: Նելլի Պողոսյան (43 տարեկան)



ՊԱՏԱՍԽԱՆ. Տեղեկացնում ենք, որ համաձայն «Եկամտահարկի մասին» Հայաստանի Հանրապետության օրենքի 38-րդ հոդվածի 3-րդ կետի՝ հարկային գործակալի կողմից «Եկամտահարկի մասին» ՀՀ օրենքի դրույթներին համաձայն՝ ֆիզիկական անձանց վճարվող եկամուտներից ժամանակին չպահված (կամ պակաս պահված) հարկի գումարները ֆիզիկական անձանցից, Հայաստանի Հանրապետության օրենսդրությամբ սահմանված կարգով, կարող են պահվել ոչ ավելի, քան վերջին տրեք ամսվա համար, իսկ հարկերի սահմանված չափից ավելի պահված (գանձված) գումարները հաշվանցվում են առաջիկա պահումների հաշվին կամ վերադարձվում են այդ մասին հայտնի դառնալու օրվանից մեկ ամսվա ընթացքում՝ սահմանված չափից ավելի գանձման օրվան հաջորդող տրեք օրացուցային տարվա համար:

ՀՀ պետական եկամուտների կոմիտե

«ԺՈՂՎՈՒՐԳ». Տեղեկացնենք, որ հարկվող եկամուտը որոշելիս համախառն եկամտից կարող են կատարվել օրենքով նախատեսված նվազեցումները (նվազեցվող եկամուտներ, անձնական նվազեցումներ եւ ծախսեր):

ԼՈՒՐ ԿԱԴՐ

Լուսանկարը՝ համացանցից



Շոգ ամռանը զովանալու կարիք ունեն ոչ միայն մարդիկ այլեւ կենդանիները: Ահա այս շունը քաղաքի կենտրոնի ցայտադրություններից մեկի վրա «վաստակել» է իր թարմանալու իրավունքը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայամուկ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 8 + 10 +22 + 26	Արարատ	+ 16 + 18 +31 + 33
Կոտայքի լեռներ	+ 8 + 12 +21 + 24	Արմավիր	+ 16 + 18 +31 + 33
Կոտայքի նախալեռներ	+ 15 + 17 +28 + 30	Վայոց ձորի լեռներ	+ 8 + 11 +22 + 24
Գեղարքունիք	+ 10 + 13 +21 + 24	Վայոց ձորի նախալեռներ	+ 16 + 18 +31 + 33
Լոռի	+ 9 + 13 +24 + 27	Սյունիքի հովիտներ	+ 18 + 22 +29 + 32
Տավուշ	+ 15 + 17 +28 + 31	Սյունիքի նախալեռներ	+ 13 + 15 +25 + 28
Արագածոտնի լեռներ	+ 9 + 13 +21 + 24	ԼՂՀ	+ 13 + 14 +25 + 26
Արագածոտնի նախալեռներ	+ 15 + 18 +28 + 31	Երեւան	+ 19 + 21 +23 + 25

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 19.6.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: